

Informatziones

- Pro ogni protzedura sunt a disponimentu sos prospetos chi informant e pretzisant sas características de s'indàgine de fàghere, sos arriscos e sas cumplicàntzias chi bi podent èssere, chi sunt a sa base de su cunsensu informadu, netzessàriu pro fàghere s'esame.
- Sos esames endoscòpicos si faghent cun su patziente apasiguadu cussente, controllende sa saturatzione de s'ossìghenu e sa frecuèntzia cardiaca durante totu sa protzedura e duncas est netzessàriu èssere acumpangiados, ca a pustis de èssere istados apasiguados est mègius a non fàghere atividades chi cherent atenzione (es: guidare veìculos).
- Sa die istabilida si depet giùghere sa rechesta de su dotore de Meighina generale, sos esames fatos prima, sa terapia farmacològica chi si est faghende e nàrrere si si tenent allergias.
- A ogni utente si cunsignat su refertu de sa prestatzione, si dant sos inditos pro retirare sos atzertamentos complementares, s'èsitu de esames istològicos de biopsias endoscòpicas e ddi benint dados consìgios pro comente si cumpotare, indicatziones e

Sede

S'Unidade Operativa de Endoscopia Digestiva est in s'Ispidale San Martino de Aristanis a su 1° pianu (Corpus M) in sa Carrera Rockefeller.

Responsabile

Dot.ssa Federica Miculan
Tel. 0783 320082
Posta eletrònica:
federica.miculan@asloristano.it

Capu-sala

I.P. Gemiliano Esu

Dirigentes Mèigos

Dot. Roberto Manca
Dot. Daniele Pinna
Dot.ssa Federica Campus

Dies e oràrios de abertura

Dae su lunis a sa chenàbura
dae sas 8.00 a sas 15.30
Su sàbadu dae sas 8.00 a sas 14.00

**DIPARTIMENTU
DE CURAS CHIRURGICAS**

**UNIDADE OPERATIVA
DIPARTIMENTALE DE
ENDOSCOPIA DIGESTIVA**



**ISPIDALE SAN MARTINO
Aristanis**

www.asloristano.it

Chie semus

In s'Unidade Operativa Dipartimentale de Endoscopia Digestiva bi sunt su responsàbile, duos dirigentes doctores ispetzialistas in Gastroenterologia, unu dirigente doctore ispetzialista in Chirurgia de s'aparadu digerente e Endoscopia Digestiva, chimbe CPSI (collaboradores professionali sanitàrios infermieris) ispetzializados in àmbitu endoscòpicu e duos operadores sòtziu-sanitàrios.

S'atividade endoscòpica siat diagnòstica siat terapèutica si faghet ses dies a sa chida.

S'Unidade Operativa est s'ùnica istutura de sa ASSL de Aristanis chi faghet atividade de urgèntzia endoscòpica garantida ogni die, die e note, a pustis de èssere istados in su Prontu Sucursu.

S'Unidade tenet a disponimentu instrumentos a definizione arta (cun zoom e NBI) pro agatare sas mudaduras prus piticas, chi de sòlitu non si bient, de sa mucosa.

S'Unidade tenet tres salas endoscòpicas, una sala pro sos patzientes chi isetant de fàghere s'esame endoscòpicu e/o sa visita ispetzialistica, una sala in ue si nd'ischidare cun duas poltronas, in ue sos patzientes chi ant fatu un'esame endoscòpicu apasiguados sunt controllados e un'ambulatòriu pro sas visitas ispetzialisticas.

Ite faghimus

Protzeduras endoscòpicas de su tretu artu de s'aparadu digestivu:

- Esofagogastroduodenoscopias (EGDS) diagnòsticas (test infetzione dae Helicobacter pilory, biopsias digiunales pro diàgnosi de sa maladia tzeliaca) e operativas (bogadura de pòlipos bogadura de corpos estràneos, dilatatzione de stenosi, pònner endopròtesi, emòstasi in sambenamentu non varicosu e varicosu).
- EGDS pediàtricas diagnòsticas e operativas (bogadura de corpos estràneos).
- Pònner, remplasare e bogare gastrostomias percutàneas endoscòpicas (PEG).

Protzeduras endoscòpicas de su tretu bassu de s'aparadu digestivu:

- Ileocolonscopias diagnòsticas e operativas (polipectomias e mucosectomias, bogadura de corpos estràneos, emòstasi endoscòpicas, pònner endopròtesi).
- Screening de 2°livellu pro su càncaru de s'istentina grussa.

Protzeduras endoscòpicas de su tretu bilio-pancreàticu (ERCP terapèutica).

In prus si faghent:

- Visitas ispetzialisticas pro sa diàgnosi e follow up de sos malàidos de infiammatziones crònicas a sas istentinas (MICI), maladia tzeliaca e patologias èpato-bilio-pancreàticas.

Comente si atzedet a su servitziu

Pro sas prestatziones endoscòpicas tocat a prenotare prima in su CUP.

Pro sas visitas ispetzialisticas (pro sos malàidos de infiammatziones crònicas a sas istentinas e maladia tzeliaca) tocat a si prenotare in s'Unidade Operativa:

- andende-doe dae su lunis a sa chenàbura, dae sas 13.00 a sas 14.00
- telefonende a su nùmeru 0783 320082 dae su lunis a sa chenàbura dae sas 13.00 a sas 14.00

Pro prenotare esames operativos comente polipectomias e/o protzeduras interventisticas prus cumplessas tocat a fàghere sa rechesta in deretura a su personale de su Servitziu, chi est semper a disponimentu in sos oràrios de abertura pro su pùblicu.

